

ALL NATIONS GOSPEL PUBLISHERS



www.angp-hb.co.za



info@angp.co.za

SANGO Heart Book

BÈ TI JO

COPYRIGHT

ISBN 0 - 908412 - 90 - 8

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)

BÈ TI JO

Temple ti Nzapa ouala Ndo ti Koussala ti Satan.

(1 Jean 3:4-10).

Mbèti so ayèké fini mbèti pèpé. A sala mbèti so na France guiriri kodjoni; a ho ngou 200. Mbèti so amou kota lumière na téné ndjoni na âme koutou mingui. A yèké tonga na tatala ti yingo, si akoli na aouali alingbi ba lègué ti yingo ti ala na ya ni lèguéoko tonga na Nzapa ayèké ba ala. Ajo mingui aba siobè ti ala aouè, tonga so ala kè siokpari ti ala na ala ouara fini bè na fini yingo na ya ala aouè.

Tonga na mo yèké diko mbèti so, a lingbi mo dabè mo, mbèti so ayèké tatala ti bè, si mo lingbi diko na mo ba mo mvèni na ya ni. Tonga na mo yèké jo so ahinga Nzapa pèpé, ouala mo yèké ouamabè so akiri na pèko ni, fadé mo ba image ti mo mvèni lèguéoko tonga na Nzapa aba mo. Nzapa ayèkia jo oko tètè lè ti lo pèpé. Lo ba bè ti jo; mais lè ti lo, ouala poro ti lo pèpé.

Satan ayèké baba ti ajo ti ouataka kouè, makounzi ti bingou, na nzapa ti sessé so. Lo bian tèle ti lo mvèni si ajo aba lo tonga na ange ti lumière, mais lo yèké ange ti lumière mbèni pèpé; kamème ambèni jo mingui ayè ti ba lo tonga na ange ti lumière, na bè ti ala asso' tonga na ala ba image so afa na ala tâ' lègué ti Satan. Na ngoy ti guiriri, lèguéoko na ngoy ti fadé so, abazènguèlè ti ouataka ayèké mingui; aouahanda so assala ala mvèni tonga na abazènguèlè ti Christ. So ayèké yé ti dongo bè pèpé, tètè Satan mvèni assala si tèle ti lo aga tonga na ange ti lumière. "Tètè ajo tonga so ayèké abazènguèlè ti ouataka, ala sala koussala na lègué ti handa, ala bian tèle ti ala si ajo aba ala tonga na abazènguèlè ti Christ. Na so ayèké yé ti dongo bè pèpé, tètè Satan mvèni abian tèle ti lo si ajo aba lo tonga na ange ti lumière." (II aCorinthien 11:13-14). Satan ayèké sala lé ti ajo na yingo ti ala ziba, si ala lingbi ba ndoyè ti Nzapa ouala gloire na kota ndo ti Lo pèpé, na si ala lingbi ba pèpé Jo Ti Ton' ala, Jésus-Christ, "... ala so âma na bè pèpé, nzapa ti sessé so assala si bibè ti ala aga ziba, si ala lingbi ba lumière pèpé, lumière ti Téné-ndjoni ti gloire ti Christ, Lo so ayèké image ti Nzapa." (II

aCorinthien 4:4). Ajo so nzapa ti sessé so assala ala ziba, ala hinga pèpé ala yèké kpè fadé fadé ti si na ndo ti fouti tèle ti ala na ndo ti oua ti la' kouè la' kouè; ndo so oua ti soufre ayèké za da. Na lé ti Nzapa, ala kouï aouè; yingo ti sessé so acommandé ala. Diko: aEphésien 2:2.

“A yèké tètì so si Melèngué Ti Nzapa aga ti fouti koussala ti djabalo.” (I Jean 3:8). “Tonga so i ma Nzapa, mais i kè djabalo, na fadé lo kpè i. I ga ndoulou na Nzapa, na fadé Lo ga ndoulou na i . . .” (Jacques 4:7-8).

Tonga na mo yèké diko mbèti so, na mo yèké ba image na ya ni, mo lingbi ba na ya ti bè ti mo mvèni. Djia tènè ni agui bè ti mo, si mo lingbi hinga bè ti mo ayèké tonga na gnè. Tonga na mo ba bè ti mo ayèké sioni na assì na siokpari mo bèlé tènè so pèpé, na mo hondé nga pèpé, mais mo yè da, na mo fa na guigui siokpari ti mo. “Tonga na ani tènè ani yèké na siokpari pèpé, ani handa tèle ti ani mvèni, na tènè-biani ayèké na ya ani pèpé. Tonga na ani tènè siokpari ti ani na guigui, Lo yèké Bè-Tâ'-Jo, na Jo Ti Mbilimbili, na fadé Lo pardonné siokpari ti ani na Lo soukoula yé ti kirikiri kouè ti ani. Tonga na ani tènè ani sala siokpari pèpé, ani sala si Lo ga ouavèné, na tènè ti Lo ayèké na ya ani pèpé.” (I Jean 1:8-10). Tonga so, mo sala mo mvèni kèté na gbè ti ti ngangou ti Nzapa, si Lo lingbi pardonné mo na soukoula mo na mènè ti nguélé ngangou ti Jésus-Christ.

Nzapa ayèké commandé mo? ouala Satan ayèké commandé mo? Mo yèké mgba ti siokpari? ouala mo yèké boy ti Nzapa? Tonga na siokpari ayèké commandé mo, mo bèlé yé so pèpé. Mais a lingbi mo toto na Nzapa, Lo so fadé Lo dji mo na lègué ti Jésus-Christ, Lo so aga na sessé so ti sau aouassiokpari, ti lOUNGUELA lé ti aouaziba, ti lOUNGUELA ani na ya bingo, na ti lOUNGUELA bingo na ya ani. Lo ga ti djia ani na ya kota lumière ti Lo. Jésus aga ti dji ani na gbè ngangou ti siokpari na ti Satan. Na ya Lo A ton' ani na ya siokpari ti ani. Mo yèké louti na gbèlé Nzapa ti mbilimbili, Lo so aba na ahinga yé kouè so mo yèké sala na lingo, mème bibè ti mo oko oko kouè. Mo lingbi hondé mo mvèni ouala koussala ti mo na lé ti Nzapa pèpé. “Lo so assala mè, fadé Lo ma pèpé? Lo so assala lé, fadé Lo ba pèpé?” (Psaume 94:9). “Tètì lé ti Lo aba lègué ti jo, Lo ba tambela ti guèlé ti lo kouè. Bingo ayèké pèpé, na bingo ti kouï ayèké pèpé, ndo so ajo so assala sioyé alingbi hondé tèle ti ala da.” (Job

34:21-22). Biani, “. . . lé ti L’Eternel akpè na ndo ndè ndè na lè ti sessé kouè ti fa ngangou ti Lo tètì ala so bè ti ala ayèké mbilimbili na Lo.” (II Chronique 16:9). Diko nga: Jean 2:24. “Nguia ayèké na jo so kèngò-ndia ti lo A pardonné aouè, na lo so siokpari ti lo A hondé aouè. Nguia ayèké na jo so L’Eternel adiko sioyé na li ti lo pèpé, na handa ayèké na yingo ti lo pèpé! Tonga na mbi sala tènè pèpé, bio ti mbi aouoko na lègué ti bimango ti mbi la’ kouè. Tètì ti ti Mo anè na ndo mbi la’ na bi, tèle ti mbi aolé tonga na kourou yé na ngoy ti la’. Sélah. Mbi fa siokpari ti mbi na Mo, na mbi hondé sioni ti mbi pèpé. Mbi tènè, Fadé mbi fa tènè ti kèngò-ndia ti mbi na L’Eternel; na Mo pardonné mbanga ti siokpari ti mbi. Sélah.” (Psaume 32:1-5). Diko nga: Psaume 51. Jésus ayèké iri ani la’ so nga, “I ga na Mbi, i kouè so i sala koussala na i yèké na kougba so anè, na fadé Mbi mou na i lègué ti ouo tèle.” (Matthieu 11:28).

KODJO IMAGE

Image so afa na guigui bè ti jo so aHINGA Nzapa pèpé; ouassiokpari, koli ouala ouali, so Yingo ti Nzapa adou lo pèpé; lo so yingo ti sessé so na nzala ti mi-télé acommandé lo. So ayèké tâ’ tatala ti bè ti lo na lègué so Nzapa aba lo. Lé ti lo so abè bèngò afa na guigui so lo yèké mgba ti samba. Jo gnè ayèké na pono? Jo gnè ayèké na voundou? Jo gnè atiri? Jo gnè assala tènè sèngué? Jo gnè aouara ka sèngué? Lé ti jo gnè abè? Ajo so angba na tèle ti vin; ajo so agouè ti tara vin so abian ya ni. A lingbi mo ba vin pèpé tonga na a yèké bingba, tonga na a za na ya kopo, tonga na sango ni ayèké ndjoni. Na ndani, fadé a tè jo tonga na ngbo’, na a kpo jo tonga na palakongo. Fadé lé ti mo aba yé ti kirikiri, na fadé bè ti mo assala tènè ti kirikiri. (aProverbe 23:29-33).

Na gbè ti li, mo lingbi ba bè ti jo so agnama ndè ndè ayèké douti da; ala so afa na ani siokpari ndè ndè ti bè ti jo. Bè ti jo ayèké da’ ti siokpari. Nzapa atènè, “Bè ti jo ayèké na handa aho mbèni yé kouè na ayèké sioni mingui; jo gnè alingbi hinga bè ti jo?” (Jérémie 17:9). Jésus atènè, “Tètì yé so ayèké na ya bè ti ajo na assi guigui ayèké bibè ti sioni, yé ti pitan, ndji, tènè ti fa’ngo jo, lango-sioni, bè’, sioyé, handa, nzala ti sala sioni, lé ti sioni, zonga, fandara, na tènè

ti bouba. Yé ti sioni so kouè assi guigui na bè ti jo, na a sala si lo ga sioni.” (Marc 7:21-23).

PAON:

Kodjo créature so ayèké paon. Lo yèké kota ndèké ti pèndèré mingui; koua ti lo ayèké ti couleur ndè ndè so anzéré



1. BÈ TI OUASSIOKPARI

mingui na lé ti ajo. So assala téné ti siokpari ti fandara na ti bè-kota. Ndèké so akpa “gbia ti Babylone”, “Lucifer”, “tongoro so assou”, “melègué ti nda-pelèlé”, “chérub”, ange so abata yé guiriri, mais lo ti’ na lègué ti fandara ti bè,

na lo ga ouato ti Nzapa, Satan — Djabalo. Diko: Esaïe 14:9-17. Fadé so djabalo ayèké ange ti bingo, lo yèké ange ti lumière mbèni pèpé. Diko: Ezéchiel 28:14-17.

Bè-kota afa tèle ti lo na lègué ndè ndè. Ambèni ayèké na bè-kota téné ti mossoro ti ala, agnama mingui ti ala, da' ti ala, yaka ti ala, ouala pèndèré bongo ti ala. Ambèni ayè ti fa pèndèré ti tèle ti ala na lé ti ajo na kamela pèpé. Ambèni ayè ti ya iri ti ala mvèni téné ti mara ti ala, ouala téné ti yé so ala manda aouè, ouala ngangou ti tèle ti ala, ouala kota ndo ti ala, ouala kota yé so ala sala. Ambèni ayè ti lèké tèle ti ala pèndèré na lègué ti you katé ti mè na mbèni yé ti pèndèré ndè ndè, na ala dè tèle ti ala na lè ti ala na ndèmbo ti sala nzoroko da, si a bian tèle ti ala; kamème Nzapa alèké tèle ti ala ndjoni. “Nzapa akè ajo ti kpingba li, mais Lo mou gráce na ajo so ayèké na tâ’ bè ti melèngué.” (1 Pierre 5:5). Nzapa akè fandara na bè-kota. “Kpèngo mbito ti L’Eternel ayèké ti kè sioyé; fandara, bè-kota, lègué ti sioni, na yanga ti kirikiri.” (aProverbe 8:13). “Fandara aga kodjoni si foutingo yé aga, na bè-kota aga kodjoni si ti’ngo ni aga.” (aProverbe 16:18).

MBO:

Mbo ayèké fa téné ti nzala ti mi-télé, yé ti sioni, lango-sioni, na yé ti pitan. Na ndo kouè so mbo atambela da, lo sala si tèle ti lo aga sioni. Ajo mingui ayèké tonga so nga. Fadé fadé tonga na ala si na mbèni ndo, ala commencé ti sala yé ti kirikiri; koli assala nguia na ouali, na ouali assala nguia na koli. Lango-sioni na yé ti pitan aouou mingui aho na ngoy ti fadé so, tètè a yèké la’ ti nda ni. Apèndèré ayèké na ngangou ti commandé tèle ti ala pèpé; même ala so amarié aouè, na aouomoua nga, ala ngba na lègué ti lango-sioni. Siokpari ti Sodome aouou na ndo kouè na agbo fini ti ajo koutou mingui, si téné so Jésus aténé aga tâ’ téné, “Fadé la’ ti nda ni aga tonga na la’ ti Sodome na Gomorrhe.”

AJuif na ambèni mara adi iri ti “Mbo” na tèle ti jo ti lango-sioni. Ajo tonga so alingbi si na royaume ti Nzapa pèpé tètè, “na guigui, ambo ayèké, na ajo ti yolo, ajo ti pitan, aouafa’ngo jo, ajo so assambela ayanda, na ajo oko oko kouè so ayè véné na assala véné.” (Apocalypse 22:15). Tonga so, KPÈ lango-sioni. “Kpè yé ti pitan. Mbèni siokpari kouè so jo assala ayèké na guigui ti tèle ti lo; mais lo so assala pitan assala sioni na tèle ti lo mvèni. Ouala i hinga pèpé tèle ti i ayèké temple ti Yingo Voulou, so ayèké na ya i,

so Nzapa amou na i, na i yèké ti i mvèni pèpé. Tèti A vo i na nguélé ti ngangou. Tonga so i mou gloire na Nzapa na tèle ti i.” (1 aCorinthien 6:18-20). “I hinga pèpé? tèle ti i ayèké amembre ti Christ. Tonga so fadé mbi kamata amembre ti Christ ti sala si ala ga amembre ti ouali ti pitan? Kètè pèpé! Ouala i hinga pèpé? lo so abongbi tèle ti lo na ouali ti pitan, lo ga tèle oko na lo. Tèti Nzapa aténé, Fadé ala ossé aga mi-tèle oko. Mais lo so abongbi na Seigneur, yingo ti lo na ti Seigneur aga oko.” “I hinga pèpé? i yèké temple ti Nzapa, na Yingo ti Nzapa adouti na ya i. Tonga na mbèni jo afouti temple ti Nzapa, fadé Nzapa afouti lo; tètè temple ti Nzapa ayèké ndjoni-kouè, na i yèké temple so.” (1 aCorinthien 6:15-17; 3:16-17).

MBÈNGUÉ TI KODRO (COCHON):

Cochon afa na ani siokpari ti ouagnongo samba na sio-kpari ti ouatèngo-yé. Cochon atè yé kouè so lo ouara; lo ba pèpé yé so ayèké ndjoni ouala yé so ayèké sioni. Ambèni jo mingui ayèké lèguéoko tonga na acochon; ala tè koua’ ti agnama so akoui na kobèla ouala a gbo go ti ala, ala tè mènè, na yé ndè ndè ti sioni so Nzapa aténé a lingbi ani tè pèpé. “Mais a lingbi ani sala mbèti na ala si ala kè sioyé ti ayanda, na yé ti pitan, na agnama so a gbo go ti ala si ala koui, na mènè.” (Koussala ti Abazènguélé 15:20). Diko: Esaie 66:3-7. A ho so, ala sala si tèle ti ala — temple ti Nzapa — aga sioni na lègué ti gnongo manga na mbangui so afouti tèle ti ala na pensé ti ala. Yé so kouè assala si yanga ti jo afou sioni, na a lingbi mou kobèla ndè ndè na tèle ti lo, na a sala si lo ga mgba ti sioyé ndè ndè. Satan akanga ajo tonga na amgba na lègué ti gnongo manga na mbangui; a yèké gui ngangou ti Nzapa oko so alingbi dji koli ouala ouali na ya mgba ti yé ti sioni so.

Apèndèrè na ambakoro aba gnongo samba, tonga na bière, vin ouala hérigué, tonga na yé sèngué, mais amgba ti samba alingbi ga ahéritier ti royaume ti Nzapa pèpé. Bière ayèké kobé pèpé, mais a yèké yé so afouti jo na a sala lo juska a tourné li ti lo, si lo sala bouba yé mingui. Ala ga ajo ti sioni, même ajo ti fa’ jo; ala sala yé tonga so pèpé tonga na samba assala ala pèpé. “Vin ayèké yé ti hénjo jo, na samba assala oulou-oulou, na jo so adjia samba assala lo, lo yèké na ndara pèpé.” (aProverbe 20:1). Na lègué ti ndia ti Moïse, tonga na mbèni jo ayèké na melèngué ti kpingba li na mgba ti samba, a yèké mbanga ti ala ti bolo lo na téné juska lo koui.

“Tonga na mbèni jo ayèké na melènguè ti kpingba li so akè tènè, na lo ma yanga ti baba ouala mama ti lo pèpé, na kamème ala sé lo, lo ma yanga ti ala pèpé, tonga so, a lingbi baba na mama ti lo agbo lo, ala gouè na lo na gbèlè akota jo ti kodro ti ala, na yanga ti kodro. Na fadé ala tènè na akota jo ti kodro, Melènguè ti ani so ayèké jo ti kpingba li na jo ti kè tènè, lo ma yanga ti ani pèpé, lo yèké ouatèngo-yé na lo yèké mgba ti samba. Na fadé ajo ti kodro ti lo kouè abolo lo na tènè si lo kouï; na lègué so fadé i lounguela sioyé na popo ti i, na fadé ajo ti Israël kouè ama, na mbito assala ala.” (Deutéronome 21:18-21). Mbanga ayèké na li ti ajo kouè so assala samba, lèguéoko na ala so aka na agno samba; tètì Mbèti ti Nzapa atèné, “Voundou aga na ajo so ayèké akota jo ti gnongo vin, na ajo so akpingba gui ti mélangé samba ndè ndè!” (Esaïe 5:22). “Voundou aga na jo so amou yé ti gno na jo so ayèké ndoulou na lo. Lo mou kopo ti ngonjo na jo so ayèké ndoulou na lo si a sala lo tonga na vin, na lo lingbi ba tèle sènguè ti lo!” (Habakuk 2:15). “I hinga pèpé? fadé ajo ti kirikiri aga ahéritier ti royaume ti Nzapa pèpé. I handa tèle ti i pèpé; ajo ti pitan, ajo ti sambela ayanda, ajo so assala lango-sioni, ajo so assala yé ti kamela na tèle ti ala na popo ti ala, akoli so assala lango-sioni na mbèni koli, aouandji, na ajo so bè’ assala ala, AMGBA TI SAMBA, aouazonga, na ajo ti gbo yé na ngangou, fadé ajo tonga so aga ahéritier ti royaume ti Nzapa pèpé.” (1 aCorinthien 6:9-10).

“Ajo kouè ahinga koussala ti mi-tèle ayèké so : lango-sioni, sioyé, yé ti pitan, sambelango ayanda, tènè ti yolo, kèngo tèle, guingo tènè, salango manda, ngonjo, papa, tènè ti kangbi, tènè ti secte ndè ndè, bè’, gnongo samba, poumba kirikiri, na mbèni yé tonga so. Fadé so mbi oua i tènè ti yé so kouè, lèguéoko tonga na mbi oua i kodjoni; ajo so assala yé so, fadé ala ga ahéritier ti royaume ti Nzapa pèpé.” (aGalate 5:19-21). “I djia vin assala i pèpé, tètì yé ti sioni ayèké na ya ni, mais a lingbi i djia Yingo assî bè ti i.” (aEphésien 5:18). Jésus, Li-ngou ti Fini, atèné na ala so ayèké na nzala ti ngou, “Tonga na mbèni jo ayèké na nzala ti ngou, djia lo ga na Mbi, lo gno. Jo so ama na bè na Mbi, fadé ngou so amou fini assi guigui na bè ti lo, a soua, lèguéoko tonga na Mbèti ti Nzapa atèné.” (Jean 7:37-38). “Héi, i oko oko kouè so i yèké na nzala ti ngou, i ga na li-ngou! na i so i yèké na nguïnza pèpé, i ga, i vo, na i tè! biani, i ga, i vo vin

na dulait, mais na nguinza pèpé, ouala ti nguélé pèpé. Tèti gnè i mou nguinza ti i tèti yé so ayèké kobé pèpé? na tèti gnè i sala koussala tèti yé so alingbi na nzala ti i pèpé? I ma Mbi ndjoni, na i tè yé so ayèké ndjoni, na djia âme ti i aouara nguia na yé ti ndjoni mingui.” (Esaïe 55:1-2).

BAKONGO:

Gnama so atambela doucement mingui afa na ani siokpari ti goygoy, na siokpari ti djia yé tèti mbèni la’ si, na siokpari ti ajo ti yolo. Ma na bè pèpé ayèké lèguéoko tonga na siokpari ti jo ti yolo. Jo ti goygoy ati’ na ya yé ti handa mingui. Lo yè ti sala ndji aho ti sala koussala, na yé so assala si ambèni afa’ jo. Goygoy ti yingo akanga lègué ti sambela, lègué ti diko Mbèti ti Nzapa, na lègué ti gouè na da’ ti Nzapa. A kanga lègué na ani nga ti gui nda ti Téné ti Nzapa, lègué so ani ouara fini ti la’ kouè la’ kouè. Ti kou juska mbèni la’ ti sala yé so alingbi mo sala fadé so, a lingbi ga yé ti fouti mo. Tonga na Nzapa assala téné na mo ti mou bè ti mo na Lo la’ so, fadé fadé djabalo aténé na mo ti kou juska kèkerèké ouala ti kou juska mbèni la’ ni so ayèké ndjoni na lé ti mo, mais fadé mo ouara la’ ni oko pèpé. Mo téné, Mbèni la’ si, mbèni la’ si, juska ngou mingui aho aouè na fadé koui akamata mo na la’ ni so mo hinga pèpé, na mo yèké na Nzapa pèpé, ouala na salut pèpé, ouala na Christ pèpé. A yèké tèti so Nzapa aténé, “La’ so, tonga na i ma yanga ti Lo, i djia bè ti i akpingba pèpé tonga na so ala sala na la’ ti handa guiriri.” (aHébreu 3:7-8).

Ambèni jo ti yolo assala yolo ti ala na lègué ti da’ ti bakongo, si ala handa ajo na ni; tonga so, da’ ti bakongo so assala téné ti siokpari ti djiango bè na ajo ti yolo na yolo ndè ndè ti ala; ala ma handa ti ajo ti yolo na ala kè Nzapa ti fini. Ala sambela Nzapa pèpé na l’heure ti kobèla ouala ti voundou, mais ala djia bè ti ala na ayanda, guélé ti kèké, téné, nza, ouala mbèni yé ti koui so jo ti yolo ahanda ala na ni. A lingbi ala ma na bè na Créateur ti ala na Jo Ti Ton’ ala. Nzapa acommandé amelègué ti Israël, Lo téné, “A lingbi ouadéli angba na fini pèpé” (Exode 22:18). “A lingbi jo oko ayèké na popo ti i pèpé, so assala si melègué ti lo ti koli ouala melègué ti lo ti ouali aho na ya oua, ouala ouaguingo bèndo, ouala jo so agui nda ti yé na ya mbînda, ouala ouadéli, ouala jo ti yolo, ouala jo ti houndango bèndo, ouala jo ti fa nda ti yanga ti atoro, ouala ouatoro, ouala ouagassoroma. Tèti jo so assala yé so ayèké JO TI SIONI MINGUI na lé ti L’Eternel

el; na a yèké tènè ti yé ti sioni mingui so si L'Eternel Nzapa ti mo atouma amara so na gbèlè mo.” (Deutéronome 18:10-12). “I si na ouaguingo bèndo pèpé, ouala na ajo so afa nda ti yanga ti atoro; i hounda ala pèpé si i ga sioni na lègué ti ala — Mbi yèké L'Eternel Nzapa ti i!” (Lévitique 19:31). “Ajo so agouè na aouaguingo bèndo, na ajo so afa nda ti yanga ti atoro, si ala sala pitan na lègué ti ala, fadé Mbi djia bè ti Mbi na ajo so ti kè ala, na fadé Mbi lounguela ala na popo ti ajo ti ala. Tonga so, i bata tèle ti i mvèni ndè tètì Nzapa, i ga ndjoni-kouè, tètì Mbi yèké L'Eternel Nzapa ti i.” (Lévitique 20:6-7).

Gui Jésus oko alingbi sau yingo, âme na tèle. “Lo so apardonné sioyé kouè ti mo, Lo so assala si kobèla ti mo kouè aga ndjoni.” (Psaume 103:3). “Mbèni jo na popo ti i ayèké na kobèla? A lingbi lo iri a-ancien ti église, na a lingbi ala sambela na tèle ti lo, ala sa mafouta na ndo lo na iri ti Seigneur, na fadé sambela ti mabè assau jo ti kobèla so, na fadé Seigneur aya lo; na tonga na lo sala siokpari aouè, fadé A pardonné siokpari ti lo. Tonga so i tènè siokpari ti i na guigui na popo ti i, na i sambela tètì ambèni jo na popo ti i, si i ga ndjoni. Sambela ti jo ti mbilimbili ayèké na ngangou ti sala yé mingui.” (Jacques 5:14-16).

Tonga na mo yèké diko kètè mbèti so, Nzapa ayèké oua mo ti kè siokpari ti mo, na ti mou mo mvèni na Lo. Mais yingo ti bakongo so ayèké na bè ti mo aoua mo nga, lo tènè, A yèké mbanga ti mo ti sala so la' so pèpé, mo lingbi kou juska kèkerèké ouala dimanche ti pèko ni; même mo lingbi kou juska ngou oko sènguè. A yèké ndjoni mo hounda koli ti mo ouala ouali ti mo ouala baba ti mo kodjoni si. A yèké ndjoni mo kou juska mo sala mariage aouè, ouala juska mo fa' amelènguè ti mo na nianza. Tonga na mo ma ouango tènè ti djabalo aho yanga ti Nzapa, fadé mo sala si bè ti mo akpिंगba ngangou lèguéoko tonga na da' ti bakongo.

ZÉ:

Gnama so ayèké sioni mingui, na nzala ti mènè assala lo. Lo fa na ani tènè ti ngonjo ti bè, ngonjo ti oua, so'ngo bè, na mbèni sioyé so ayèké na bè ti jo. Tonga na yingo ti ngonjo na so'ngo bè accommandé bè ti jo, yé so alingbi ho na lo ti sala yé ti sioni, ti zonga na ti dè ba', même ti fa' jo. Mbèni la' tonga na lo yèké gno samba ouala hérigué, a ba tonga na mbèni sio yingo ali lo na accommandé lo. Ambèni jo ti mbito agno samba ti ouara ngangou ti fouta koula ti sioyé

so ala bi bè ti ala da ti sala. “Vin ti ala ayèké ngonjo ti angbo’, na ngonjo ti akônga!” (Deutéronome 32:33). Tèné ti fouta koula ayèké yé ti ndjoni na lé ti jo so bè ti lo assí na siokpari, mais Lo so afouta koula ti ani ayèké Nzapa. Jésus aténé, “I ndoyè aouato ti i”. Nzapa ajé ti pardonné siokpari ti ani, tonga na ani pardonné ala so assala sioni na ani.

NGBO’:

Guiriri gnama so ayèké pèndéré mingui tonga na lo handa Adam na Eve na yaka ti Eden si ala ti’, tètí lo yè ala ti sala songo na ti douti na bèoko na Nzapa pèpé. Tètí téné so Nzapa azonga ngbo’ na lo glissa pèndéré ti lo aouè. Na la’ ni ka téné ti kè aga na popo ti lo na ajo. Manda assala Satan, tètí Nzapa andoyè kodjo koli na ouali, na Lo djia yé ti sessé kouè na ti ti ala ti commandé; yé so ayèké na ti ti Lucifer, djabalo, kodjoni. Sio yingo ti manda aga na bè ti jo na lègué ti djabalo. Tonga na yingo ti manda na so’ngo bè adouti na bè ti jo, lègué ti lo ti douti na nguia ayèké pèpé.

Même a lingbi aouakoua ti Nzapa, na ya koussala ti Seigneur, abata si manda assala ala pèpé na tèle ti ambèni boy ti Nzapa so Nzapa assala kota koussala na lègué ti ala, na Lo iri téné ndjoni na ndo ala nga aho ti ala mvèni. Salango manda alingbi mou bibè ti sioni ndè ndè na ajo, si ala sala yolo na tèle ti ambèni jo, ti mou voundou na ala, na même ti fa’ ala. Salango manda na popo ti koli na ouali alingbi fouti mariage ti ala si famille ni akangbi. “Salango manda ayèké ngangou tonga na ndo-ti-aouakinda; zango ti lo ayèké zaugo ti oua, tâ’ mènga-oua ti L’Eternel.” (Bia ti Salomon 8:6).

BIANGA:

Gnama so afa na ani téné ti kota nzala na ndoyè ti nguinzà na ti mossoro so ayèké guèlé ti sioyé kouè. “Guèlé ti sioyé kouè ayèké ti ndoyè nguinzà; na lègué ti guingo nguinzà, ambèni jo agoué kirikiri, ala djia lègué ti mabè, na ala kpo tèle ti ala mvèni na yé ti voundou ndè ndè.” (1 Timothée 6:10). Na Afrique, ajo aba ambèni bianga so atè angué juska ya ti ala assoumbou na ala koui. Jo so bè’ assala lo ayè ti mou mbèni yé pèpé na aouanzinga na ajo so yé amanqué na ala. Lo tara na lègué ndè ndè, tonga na lègué ayèké mbilimbili, ouala a yèké mbilimbili pèpé, ti bongbi mossoro ti sessé so, yé so fadé soko na papalapo afouti, ouala fadé aouandji andji. A yèké tètí téné so Jésus aténé na ani ti bongbi mossoro ti ani na yayou na ndo so aouandji alingbi ti ndji pèpé, tètí na ndo so mossoro ti mo ayèké, bè ti mo ayèké

ka nga, “I bongbi mossoro ti i na sessé so pèpé, na ndo so papalapo na soko atè, na ndo so aouandji agué dou ti ndji yé; mais i bongbi mossoro ti i na yayou, na ndo so papalapo ouala soko atè pèpé, na ndo so aouandji agué dou pèpé ti ndji yé; tètì na ndo so mossoro ti mo ayèké da, bè ti mo ayèké ka nga.” (Matthieu 6:19-21). Acan na ajo ti da’ ti lo kouè akoui tètì lo ndoyè l’or na argent na bongo ti nguinsa mingui na lo kamata yé so A zonga aouè. Diko: Josué 7. Judas Iscariote, disciple ti Jésus, akoui tètì lo ndoyè nguinsa aho Jésus. Diko: Matthieu 27:3-5.

SATAN:

Lo yèké baba ti aouavéné kouè na lo sala si téné ti véné aloundou na bè ti ajo. Lo yèké berger ti agnama so kouè, na a yèké lo so acommandè bè ti ajo kouè so ahinga Nzapa pèpé. Jésus aténé, “I yèké ti baba ti i, djabalo, na i yè ti sala yé so baba ti i ayè. Lo yèké ouafa’ngo jo guiriri kodjoni, na lo douti na téné-biani pèpé, tètì téné-biani ayèké na ya lo pèpé. Tonga na lo téné véné, lo sala téné ti lo mvèni, tètì lo yèké ouavéné na baba ti véné.” (Jean 8:44).

TONGORO:

Tongoro afa na ani téné ti yingo-ti-hinga so ayèké na bè ti ajo kouè. Na ndo so, yingo-ti-hinga ti lo avouko mbanga ti saleté ti siokpari ndè ndè; tonga so yingo-ti-hinga alingbi sala koussala ti lo na lègué ni pèpé. “A lingbi ani ga ndoulou na bè-biani na bè so assì na mabè, tètì A ki méné na ndo bè ti ani ti soukoula sio yingo-ti-hinga, na A soukoula tèle ti ani na ngou ti ndjoni.” (aHébreu 10:22).

LÉ:

Lé ti Nzapa ayèké na ndo kouè na aba yé kouè so ayèké na ya bè ti jo. Lègué ti hondé yé ayèké pèpé si lé ti Nzapa so aza mingui aba yé ni so pèpé. Tonga so, Lo ba na Lo hinga bibè kouè ti lingo so ayèké na bè. Tonga na mo sala siokpari ti mo na ya bingo ouala na ya ngounda so ami mingui, ouala na ya kota ngou, ouala na mbèni ndo so mo hondé tèle ti mo da, Nzapa aba yé so kouè.

ANGE:

Image ti ange afa na ani Téné ti Nzapa. Nzapa assala téné na ouassiokpari so ayèké na ya yé ti handa. Lo fa na lo ti kè siokpari ti lo si lumière ti Nzapa alingbi sou na ya bingo ti bè ti lo. Nzapa ayèké sala téné na mo nga, mo so mo yèké diko mbèti so.

BOUNGOU:

Boungou ayèké ndèké ti ndjoni mingui so assala sioni pèpé; lo fa na ani téné ti Yingo Voulou. Lo yèké Yingo ti Téné-biani so adjingo na ani téné ti siokpari na téné ti mbillimibili, na téné ti mbanga. Na image so Yingo Voulou adouti na ya bè pèpé, mais Lo yèké na guigui tėti Lo douti pèpé na bè ti aouassiokpari.

AKÈTÈ MÈNGA-OUA:

Akètè mènnga-oua so angoro bè ti ouassiokpari assala téné ti ndoyè ti Nzapa so angoro bè ti ouassiokpari. Nzapa ayè ouassiokpari ti kouï pèpé, mais Lo yè lo ti kè siokpari ti lo na ti changé bè ti lo si lo ouara fini. Jésus aga ti sau aouassiokpari. Nguia mingui ayèké na yayou tonga na mbèni jo akè siokpari ti lo na lo changé bè ti lo. Nzapa ayè ti soukoula bè ti ouassiokpari na mènè ti Jésus-Christ Melènguè ti Lo Guènguèlé Oko; akètè mènnga-oua assala téné ti yé so nga. Ndoyé ti Nzapa ayè ti li na ya bè so ayèké dé na akouï aouè.


Jésus alouti na yanga ti da' ti bè ti mo na Lo yèké golo yanga ni. Tonga na mo lounguèla bè ti mo na Lo, fadé Lo li na ya ni, na Lo soukoula bè ti mo, na Lo dji mo na ya mgbà.

IMAGE OSSÉ NI

Image so afa na ani téné ti jo so acommencé ti kè siokpari na ti changé bè ti lo, na ti gui Nzapa. Epée so ayèké na ti ti ange ayèké “Téné ti Nzapa so ayèké na fini na a yèké na ngangou ti sala yé, a za aho épée kouè ti yanga ossé, na a kpo si a kangbi âme na yingo, na a kangbi koutou na mafouta ti bio, na a fa nda ti bibè na a fa nda ti yé so bè ayè”. (aHébreu 4:12). Téné ti Nzapa afa na lo, “fouta ti siokpari ayèké kouï.” (aRomain 6:23). “A diko na jo ti kouï lègué oko, na pèko ni mbanga aga.” (aHébreu 9:27). Fadé aouassiokpari na ala so akè ti ma na bè, aouara yé ti ala na lac so aza na oua na soufre. (Apocalypse 21:8).

Bio ti li ti jo so akouï aouè ayèké na mbèni maboko ti ange ni. So ayèké yé ti dabè ouassiokpari ni fadé a yèké mbanga ti ani kouè ti kouï. Tèlé ti ani so ani ndoyè mingui na ani bata na bongo, na kobé, na ani mou yé kouè na ni alingbi na nzala ti lo, fadé télè so ayèké kouï, na fadé a fouti. Fadé angouzou atè koua' ni, na fadé a yèké mbanga ti âme na yingo ti ani ti si na gbèlé nguèndé ti mbanga ti Nzapa. Ouassiokpari

acommencé ti ma Téné ti Nzapa na a lounguela bè ti lo si ndoyè ti Nzapa ali na ya ni. Yingo Voulou assou na ya bingo ti bè ti lo na fadé lumière ti Nzapa atouma bingo kouè; tètì na ndo so lumière assi da, bingo alingbi ti ngba da pèpé.



2. BÈ TI OUASSIOKPARI SO ACOMMENCÉ TI KÈ SIOKPARI.

Fadé bè ti lo acommencé ti mou oua na lègué ti ndoyè ti Nzapa, na siokpari, so agnama ndè ndè afa na ani téné ni, assi guigui.

O, mo jo ti siokpari, dja Jésus, Lumière ti sessé so, aga na bè ti mo; na fadé a yèké mbanga ti bingo na koussala ti bingo ti si guigui, lèguéoko tonga na image na mbèti so afa na mo. Jésus aténé, “Mbi yèké Lumière ti sessé so; jo so aga na pèko ti Mbi, fadé lo tambela na ya bingo pèpé, mais fadé lo yèké na Lumière so amou fini.” (Jean 8:12). Voundou na ala so andoyè bingo aho Lumière. “Jésus ali na ya Temple ti Nzapa, Lo touma ajo kouè so aka yé, na ala so avo yé na ya Temple, na Lo vi table ti ajo ti changé nguinza, na nguèndé ti ala so aka aboungou; na Lo téné na ala, Mbèti ti Nzapa aténé, Fadé ala di iri ti da’ ti Mbi da’ ti sambela; mais i sala si da’ ni aga gamba ti aouandji.” (Matthieu 21:12-13). Da’ so ayèké bè ti mo. Jésus aga gui ti pardonné siokpari ti ani pèpé, mais Lo ga ti dji ani na gbè ngangou ti Satan. “Tonga na Melèngué ni adjì i, ka A dji i biani!” (Jean 8:36).

IMAGE OTA NI

Na lègué ti image so ani ba bè ti ouassiokpari so akè siokpari ti lo biani na achangé bè ti lo. Lo hinga siokpari ti bè ti lo aouou mingui, na a yèké tètì so si a kanga Jésus na kèké-ti-croix. Tonga na lo yèké ba kèké-ti-croix, so ange, Téné ti Nzapa, afa na lo, bè ti lo ayé ti fa’. Ndoyé ti Nzapa na lègué ti Jésus acommencé ti ouoko bè ti lo, tonga na lo dabè lo na Jésus, Ngassangbaga ti Nzapa so aga ti lounguela siokpari kouè ti lo, na Lo koui tètì lo na kèké-ti-croix. Tonga na lo ba a yèké mbanga ti siokpari ti lo si a pika Jésus, na a dja couronne ti ki’ na li ti Lo, na a pika pointe na maboko na guélé ti Lo, na a kanga Lo na kèké-ti-croix, yé so afa’ bè ti ouassiokpari ni.

Tonga na lo yèké diko Téné ti Nzapa, lo ba lo mvèni na ya tatala so ti Nzapa, na lo ba lègué so bè ti lo avouko na a sî singo na siokpari. Téné so akpo bè ti lo, na yingo ti lo ayèké na voundou mingui, si lo toto na ngoulé mbanga ti siokpari ti lo. Nzapa aga ndoulou na lo. Ndoyé na siriri ti Nzapa aga na ya bè ti lo tètì mènè ti Jésus assoukoula siokpari ti lo aouè. Lo commencé ti hinga Seigneur ayèké ndoulou na ala so bè ti ala afa’ aouè, na Lo sau ala so yingo ti ala ayèké na voundou. “Ajo ti mbilimbili atoto, na L’Eternel ama ala, na Lo dji ala na ya yé ti voundou ti ala kouè.” (Psaume 34:18). “Ajo so bè ti ala afa’ aouè, Lo sala si ala ga ndjoni, na Lo kanga ka ti ala.” (Psaume 147:3). Mbèti ti Nzapa aténé nga, “Mais tonga na jo ayèké na tâ’ bè ti melè-

ngué, na yingo ti lo ayéké na voundou, na tèle ti lo ado tonga na lo ma téné ti Mbi, fadé lé ti Mbi ayéké na ndo lo.” (Esaïe 66:2).

Yingo Voulou na ndoyè ti Nzapa akamata ndo ti ala na ya bè so A soukoula aouè. Na lègué ti mabè, tonga na lo



3. BÈ TI OUASSIOPARI SO AKÈ SIOKPARI NA ACHANGÉ BÈ TI LO.

yèké ba kèké-ti-croix ti Jésus, na méné ti Lo so assa mbanga ti siokpari ti lo, lo commencé ti hinga Nzapa apardonné siokpari ti lo aouè; tonga so bè ti lo adê siriri, tèti lo hinga méné

ti Jésus Melèngué Ti Nzapa assoukoula siokpari ti lo aouè. “Mais tonga na ani tambela na ya lumière lèguéoko tonga na Lo yèké na ya lumière, ani sala bèoko na popo ti ani, na mènè ti Jésus Melèngué ti Lo assoukoula siokpari kouè ti ani.” (1 Jean 1:7). Jo so ama na bè na Jésus fadé lo kouï pèpé, mais lo yèké na fini ti la’ kouè la’ kouè. “. . . aouandji, na ajo so bè’ assala ala, amgba ti samba, aouazonga, na ajo ti gbo yé na ngangou, fadé ajo tonga so aga ahéritier ti royaume ti Nzapa pèpé. Na ambèni oko oko ti i ayèké tonga so guiriri. Mais A soukoula i aouè, Nzapa abata i ndè tètì Lo mvèni, A diko i ajo ti mbilimbili na lègué ti iri ti Seigneur Jésus-Christ, na A diko i ajo ti mbilimbili na lègué ti Yingo ti Nzapa ti ani.” (1 aCorinthien 6:10-11). “Na ya Lo, A ton’ ani na lègué ti mènè ti Lo, na ani ouara pardon ti kèngondia ti ani na lègué ti mossoro ti grâce ti Lo.” (aEphésien 1:7). Fadé so fini yingo ayèké na ya bè ti lo, tonga so lo ndoyè sessé so na yé ti sessé so mbèni pèpé, mais lo gui yé ti Nzapa, Lo so assì bè ti lo na ndoyè ti Lo. Agnama, so afa tènè ti siokpari ndè ndè, assi guigui aouè; ala yèké na bè ti ouamabè so pèpé. Mais Satan ayè ti djia bè ti lo pèpé, tonga so lo yèké ba ndo na pèko ti lo tètì lo yè ti kiri na ya ni mbèni. A yèké tètì so si A fa na ani ti bata na sambela na ti kè djabalo si lo kpè ani.

IMAGE OUSSIO NI

Image so afa na ani tènè ti ouamabè so aouara tâ’ siriri na salut na lègué ti sacrifice ti Seigneur na Sauveur ti ani Jésus-Christ. Tonga so, ani lingbi tènè lèguéoko tonga na Paul, . . . mbi lingbi ya iri ti mbèni yé pèpé, gui kèké-ti-croix ti Seigneur ti ani Jésus-Christ; na lègué ti kèké-ti-croix so, mbi kouï aouè, si yé ti sessé so akangbi na mbi na mbi kangbi na yé ti sessé so. (aGalate 6:14). Na ani hinga biani Jésus akouï aouè na kèké-ti-croix tètì siokpari ti ani; tonga so ani lingbi djia siokpari na ani douti na fini tètì mbilimbili. “Lo yo siokpari ti ani na télé ti Lo mvèni na kèké, si ani so akouï aouè ti djia siokpari, ani lingbi ngba na fini ti sala mbilimbili. Na lègué ti ka ti Lo, ani ga ndjoni.” (1 Pierre 2:24). Ouamabè ayèké jo so akouï aouè na sessé so. Lo commandé ani ti tambela na lègué ti Yingo, na ti sala nzala ti mi-télé pèpé. Diko; aGalate 5:12-25. Lo tènè mbèni, “I gui lègué ti douti na siriri na ajo kouè, na i douti na bè-voulou, tètì jo so ayèké na bè-voulou pèpé alingbi ba Seigneur pèpé.” (aHébreu 12:14).

Na ya bè ti image so mo lingbi ba pilier so ala kanga Jésus da; ala kanga Lo na chaîne ti ouin tonga na ala lounguela bongo ti Lo aouè, na mo lingbi ba chicotte na kètè kèké

“Mbi koui aouè
na kèké-ti-croix
na Christ”
— aGalate 2:20.

“Tonga so i ba i
mvèni tonga na
ajo so akoui aouè
ti djia siokpari, na
tonga na ajo so
ayèké na fini tètì
Nzapa na ya
Christ Jésus.”
aRomain 6:11.



4. BÈ TI OUAMABÈ SO AKOUI AOUÈ NA KÈKÉ-TI-CROIX NA CHRIST.

so ala pika Lo na ni. “Mais A kpo tèle ti Lo tètì kèngo-ndia ti ani, A mboko tèle ti Lo mbanga ti sioyé ti ani; na lègué

ti pika so Lo ouara, ani ouara siriri; na lègué ti ka ti Lo, ani ga ndjoni. Ani kouè ani gouè kirikiri tonga na angassangbaga, ani oko oko kouè ani gouè na lègué ti ani mvèni, na L'Eternel adjia sioyé ti ani kouè na ndo Lo.” (Esaïe 53:5-6). A pika Lo tètì siokpari ti ani. Gbia Hérod na ajo ti lo ahé Lo, na tonga na ala pika Lo aouè, ala you Lo na bingba bongo. Tonga na ala sala couronne ti ki', ala djia so na ndo li ti Lo na place ti couronne ti l'or. Ala djia pépé na maboko ti koti ti Lo na place ti sceptre ti gbia. Ala koukou na sessé na gbèlé Lo na ala hé Lo, ala téné, “Balao, Gbia ti aJuif”. Ala kou soro na télé ti Lo, na ala kamata pépé ni na ala pika li ti Lo na ni. Tonga na ala hé Lo aouè, ala gouè na Lo ti fa' Lo na kèké-ti-croix.

Ambèni jo mingui so aténé ala yèké aouamabé, ala sambela na da' ti Nzapa, ala bongbi na table ti Seigneur, na ala sala bia ti Nzapa, mais sio koussala ti ala akiri afa' Sauveur ti ala na kèké-ti-croix. “Ajo kouè so aténé na Mbi, Seigneur, Seigneur, fadé ala kouè assi na ya royaume ti yayou pépé, mais gui ala so assala yé so Baba ti Mbi so ayèké na yayou ayè. Na la' ni ka, fadé ajo mingui aténé na Mbi, Seigneur, Seigneur, ani fa téné na iri ti Mo pépé? Ani touma ayingo sioni na iri ti Mo pépé? Ani sala miracle mingui na iri ti Mo pépé? Na la' ni ka, fadé Mbi téné na guigui na ala, Mbi hinga i guiriri oko pépé; i djia Mbi, i ajo so assala siokpari.” (Matthieu 7:21-23). Na ya image so nga, mo lingbi ba bozo ti nguinsa so Judas abata. Judas aka' Jésus tètì nguinsa ti argent baliota, tètì ndoyè ti nguinsa assala si lo ga ziba, na a sala si siobè ti lo akpingba. Lampe na chaîne so atourougou assala na ni na bi ni so ala gbo Jésus ayèké da nga. Mo lingbi ba, nga, mbèni yé so atourougou apika patara na ni tonga na ala kangbi bongo ti Jésus, si Téné ti Nzapa so a prophète aténé alingbi ga tâ' téné, “Ala kangbi bongo ti mbi ti ndo ni na popo ti ala, na ala sala yé ti mou iri tètì bongo ti mbi.” (Psaume 22:19).

Mbèni tourougou akpo katé ti Jésus na likongo, na fadé fadé ngou na méné assi guigui. “Mais tonga na ala si na Jésus, na ala ba Lo kouï fadé aouè, ala fa' guèlé ti Lo pépé; mais mbèni tourougou akpo katé ti Lo na likongo, na fadé fadé méné na ngou assi guigui. Na jo so aba yé so aouè, lo sala téné ti témoin ti yé so, na téné ti témoin ti lo ayèké biani; na lo hinga lo sala téné biani, si i lingbi ma na bè nga. Tètì yé so assi tonga so, si téné ti Mbèti ti Nzapa alingbi

ga tâ' téné so aténé, Fadé ala fa' bio ti Lo oko pèpé. Na Mbèti ti Nzapa aténé na mbèni ndo, Fadé ala ba Lo so ala kpo Lo.” (Jean 19:33-37). Kodjoni koli kondo atoto, Pierre akè Jésus na gbèlé mbèni boy-ouali, mais na ndani, lo dabè lo na siokpari ti lo, na lo toto na ngoulé na voundou. Mo sala téné ti témoin ti Jésus na guigui na lègué ti fango téné na koussala ti mo? Ouala mo yèké na mbito ti sala so? Jésus aténé, “Tonga so jo so assala téné ti Mbi na guigui na gbèlé ajo, fadé Mbi sala téné ti lo na guigui nga na gbèlé Baba ti Mbi so ayèké na yayou. Mais jo so abèlé téné ti Mbi na gbèlé ajo, fadé Mbi bèlé téné ti lo nga na gbèlé Baba ti Mbi so ayèké na yayou.” (Matthieu 10:32-33). Jésus aténé mbèni, “Tonga na mbèni jo ayè ti ga na pèko ti Mbi, a lingbi lo kè tèle ti lo mvèni, lo yo kèké-ti-croix ti lo, na lo ga na pèko ti Mbi.” (Matthieu 16:24). “Na lo so ayo kèké-ti-croix ti lo pèpé ti ga na pèko ti Mbi, lo lingbi na Mbi pèpé.” (Matthieu 10:38).

“Téné ti la' kouè la' kouè
 So a sourou tètè mbi,
 Djia ngou na méné ni
 So a sa na ka ti Mo;
 'Mbo' siokpari ti mbi,
 Na sau mbi na ngangou ni.”

IMAGE OUKOU NI


Image so afa na ani fini ti jo so A soukoula bè ti lo aouè, na lo douti ndè na lègué ti kota grâce na bè-ndjoni ti Nzapa. Fadé so lo ga tâ' temple ti Nzapa aouè, ndo ti douti ti Baba, ti Melènguè na ti Yingo Voulou, alingbi na téné so Jésus aténé, “Tonga na jo andoyè Mbi, fadé lo bata téné ti Mbi; na fadé Baba ti Mbi andoyè lo, na fadé Ani ga, Ani douti na lo.” (Jean 14:23). Nzapa ayèkia jo, Lo iri téné-ndjoni na ndo lo, na Lo ya iri ti lo na lègué ti Jésus-Christ. “Lo lOUNGUELA ajo ti ngangou na ndo trône ti ala, na Lo ya iri ti ala so ayèké na tâ' bè ti melènguè.” (Luc. 1:52).

Fadé so bè ti ouamabè so aga temple ti Nzapa ti fini. A lOUNGUELA siokpari ti lo kouè aouè. Fadé so Yingo Voulou ayèké douti na place ti agnama ndè ndè so djabalo, baba ti ouataka, acommandé guiriri. Ndo ti sio koussala ti mi-tèle so aga tonga na yaka so alé' ndjoni, ouala kèké so alé' lé' ti Yingo, “ndoyè, tâ' nguia, siriri, bè-nzé-pèpé, ndjobè, bè ti sala ndjoyé, bè-biani, tâ' bè ti melènguè, ngangou ti kanga nzala

ti tèle” (aGalate 5:22-23), na mbèni lé’ ni kouè so anzéré na Nzapa na ajo. Fadé so lo ga ti ti vigne so alé’ mingui, tèti lo yèké na ya tâ’ Vigne, Seigneur ti ani Jésus-Christ. Tonga na lo douti na ya Christ na Christ adouti na ya lo, fadé lo

Ndoyè
Tâ’ nguia
Siriri
Bè-nzé-pèpé
Ndjobè.
aGalate 5:22-23.

Bè ti sala ndjoyé
Bè-biani
Tâ’ bè ti melèngué
Ngangou ti kanga
nzala ti tèle.



5. BÈ TI OUAMABÈ SO AYÈKÉ TEMPLE TI YINGO VOULOU.

lé’ mingui. “Mbi yèké tâ’ Vigne, na Baba ti Mbi ayèké Jo ti bata Vigne. Ti ti vigne oko oko kouè na ya Mbi so alé’

pèpé, Lo fa' ; na ti ti vigne oko oko kouè so alé', Lo fala tèle ni, si a lé' mingui aho. Fadé so i yèké voulou kouè tètì téné so Mbi téné na i. I douti na ya Mbi, na fadé Mbi douti na ya i. Lèguéoko tonga na ti ti vigne alingbi lé' na bè ti lo mvèni pèpé, gui tonga na lo ngba na ya vigne, tonga so, tonga na i douti na ya Mbi pèpé, i lingbi lé' nga pèpé. Mbi yèké Vigne, i yèké ti ti vigne ni. Jo so adouti na ya Mbi, na Mbi douti na ya lo, jo so alé' mingui; tètì i lingbi sala yé oko pèpé, tonga na Mbi douti na ya i pèpé. Tonga na jo adouti na ya Mbi pèpé, a bi lo na guigui tonga na ti ti vigne, na lo kpi, na ajo abongbi ti ti vigne ni, ala bi ala na oua, na ala gbi. Tonga na i douti na ya Mbi, na téné ti Mbi adouti na ya i, i hounda yé so i yè, na fadé Mbi sala yé so na i. Baba ti Mbi aouara gloire na lègué so, tonga na i lé' mingui, tonga so fadé i yèké adisciple ti Mbi. Lèguéoko tonga na Baba andoyè Mbi, Mbi ndoyè i nga. I douti na ya ndoyè ti Mbi. Tonga na i bata commandement ti Mbi, fadé i douti na ya ndoyè ti Mbi, lèguéoko tonga na Mbi bata commandement ti Baba ti Mbi, na Mbi douti na ya ndoyè ti Lo.” (Jean 15:1-10). Tètì lo bata Téné ti Nzapa na ya bè ti lo na Yingo Voulou assi bè ti lo, lo yèké na ngangou ti ho nzala ti mi-télé, na ti sala si jo-ti-guiriri akoui. Na lègué ti ngangou ti Yingo Voulou lo lingbi tambela na lègué ti Yingo. Lo douti na fini mbèni pèpé na lègué ti yé so lé ti lo aba, ouala mè ti lo ama, ouala ti ti lo atara, mais lo douti na fini na lègué ti mabè, tètì mabè na ya Christ Jésus ayèké yé so aho sessé so na ngangou. Bèkou ti kiringo ti Jésus-Christ amou ngangou na lo, tètì lo hinga la' ti kiringo ti Lo ayèké ndoulou. Lo douti na fini na lègué ti ndoyè na ya ndoyè ti Nzapa so angba la' kouè la' kouè.

“Nguia ayèké na ajo so bè ti ala ayèké na sioni kètè pèpé, tètì fadé ala ba Nzapa.” (Matthieu 5:8). Gbia David, kamème lo yèké jo ti mossoro na lo ho aouato ti lo mingui so angoro lo, na lo fa' kota oualombé Goliath, lo hinga lo manqué mbèni yé so akanga lègué na lo ti ba Nzapa, so aténé, bè-voulou. Lo toto na Nzapa na tâ' voundou ti bè, “O Nzapa, Mo créé bè so avoulou na ya mbi; Mo kiri Mo sala yingo na ya mbi so adouti kpo.” (Psaume 51:12). Mbèni jo so alingbi sala si bè ti lo aga ndjoni ouala si lo ouara fini bè na lègué ti ngangou ti lo mvèni ayèké pèpé. A yèké mbanga ti ajo oko oko kouè ti ga na Nzapa na tâ' voundou ti bè ti ala ti kè siokpari ti ala na ti fa siokpari ti ala na guigui


na ti kangbi na ni, lèguéoko tonga na so gbia David assala; na melèngué so afouti yé ti lo assala nga. Lo djia acochon na lo kiri na baba ti lo, lo téné na lo na voundou ti bè, “Baba, mbi sala sioni so akè yayou na akè mo.” (Luc 15:21). Nzapa ayèké kou ti sala na aouassiokpari so aga na Lo na tâ’ voundou ti bè ti kè siokpari ti ala; tètì Nzapa mvèni amou jéndo so, “Fadé Mbi mou fini bè na i nga, na Mbi djia fini yingo na ya i; na fadé Mbi lounguela bè ti téné na ya tèle ti i, na Mbi mou na i tâ’ bè ti jo. Fadé Mbi djia Yingo ti Mbi na ya i, na Mbi sala si i tambela na lègué ti kpingba-ndia ti Mbi, na fadé i bata kpingba-téné ti Mbi, na i sala na lègué ni.” (Ezéchiél 36:26-27). So ayèké téné ti fini mbèlé so Nzapa assala na akanga na sceau na méné ti Melèngué ti Lo Jésus-Christ.

Na lègué ti image so ani kiri ani ba ange ni. A-ange ayèké ayingo so Nzapa ato si ala sala na ala so ayèké ahéritier ti fini ti la’ kouè la’ kouè. “Ala so kouè ayèké ayingo ti sala koussala pèpé? ala so Nzapa ato ala ti sala koussala tètì ajo so fadé ala ga ahéritier ti salut.” (aHébreu 1:14). Na ala ngoro ala so akpè mbito ti Nzapa. “Ange ti L’Eternel assé kando ti ngoro ala so akpè mbito ti Lo, na Lo sau ala.” (Psaume 34:8). “Tètì fadé Lo oua a-ange ti Lo ti bata mo na lègué ti mo kouè.” (Psaume 91:11). Diko nga: Daniel 6:22; Matthieu 2:13; 18:10; Koussala ti Abazènguèlé 5:19; 12:7-10. Na image so a lingbi ba djabalo nga. Lo louti ndoulou na bè tètì lo gui lègué ti commandé lo mbèni. Tètì téné so, A oua ani, “I douti na donji, i sala sinziri! Ouato ti i djabalo ayèké tambela tonga na bamara so atoto, na lo yèké gui jo gnè so lo lingbi tè lo.” (1 Pierre 5:8). “Tonga so i ma Nzapa, mais i kè djabalo, na fadé lo kpè i.” (Jacques 4:7).

IMAGE OMANA NI

Image so ayèké image ti voundou mingui tètì a fa na ani téné ti jo so ayè ti djia lègué ti Nzapa! Lé ti lo oko acommencé ti kanga; yé so afa na ani ouamabè so acommencé ti ga dé, lango assala lo, na bè ti lo ayè ti nzé. Mbèni lé ti lo ayèké gui lègué, na kamela pèpé, ti sala ndèko na sessé so. Lumière na ya ti lo acommencé ti mingo; lo yè ti hou pono tètì Christ pèpé, na mbèni yé na ya lo, so afa na ani téné ti pono ti Christ, ayè ti ti’ na sessé. Lo yèké na ya yé ti handa ndè ndè, lo yè da na ala na lo kè djabalo, ouahanda ni, pèpé. Lo yèké ma yanga ti ouahanda so, mais lo ma Nzapa pèpé. Lo dè ti bongbi na aouamabè na lo tara ti hondé yé ndè ndè ti sessé, so lo yèké sala, mais, na ya bè ti lo, lo yèké djia lègué

ti Nzapa, na kodjo ndoyè ti lo adé aouè. Tongoro, so aténé, yingo-ti-hinga, ayè ti mingo, na kètè-ti-croix anè lo mingui. Mabè ti lo acommencé ti yingui, na lo djia ti sambela Nzapa. Lo bata bè ti lo pèpé na lo djia ndo na aouahanda so angoro lo.



6. BÈ TI JO SO AYÈ TI DJIA LÈGUÉ TI NZAPA.

Yingo ti paon agui lègué ti'li na ya ni. Fandara na bè-kota assala lo téné ti mabè ti lo, tètè lo glissa A sau lo na lègué ti grâce. Yingo ti samba agolo yanga ni tètè lo yè ti li na ya

ni nga. Peut-être mbèni jo ayèké handa lo ti gno gui kètè kètè, na a tènè na lo, ti gno pèké ayèké sènguè. Lo hinga pèpè gnongo ni so ajo atènè, a yèké kètè kètè, a yèké tonga na kètè ngou so assoua na fadé assi na kota ngou ti salango mgba ti samba. Tonga na mbèni ouali assala samba tètì koli ti lo ouala afo lo, kamème lo mvèni agno pèpè, yingo ti samba ahanda lo ti fa lègué ti samba na ambèni jo si ala ga amgba ti samba. Na pèko ni, yé ti pitan na lango-sioni aga ti handa ouamabè so na lègué ti mayélé so aloudou na djabalo. Pandé ti ajo ti pitan na mbèni tènè kirikiri acommencé ti nzéré na lo, na lo commencé ti bongbi na ajo ti sioni si lo lingbi dodo na sala nguia na ala. Peut-être mbèni jo ahanda lo, lo tènè, ti do malinga ayèké ndjoni mais dodo ti kodro ayèké sioni. Lo hinga pèpè mara ti dodo kouè ayèké sioni, tètì yé ti kirikiri na yé ti pitan ayèké da, na ti do malinga ayèké sioni aho. Ti gno cigarette na manga so ajo avo na magazin ayèké sioni lèguéoko tonga na manga ti kodro tètì nzala ti gnongo ni assala ajo mingui aho. Tèlé ti jo ti Nzapa ayèké temple ti Nzapa ouala ti Yingo Voulou. Diko: 1 aCorinthien 3:16; 6:19. A lingbi ani fouti temple so pèpè na lègué ti gno sioyé tonga so.

Djabalo atènè na lo ti sala nguia na siokpari, a yèké siokpari pèpè. Ti sala gui siokpari oko ouala lango-sioni gui oko, a sala mbèni yé ti sioni na jo pèpè. Ouahanda aoua lo tonga so juska sio yingo ti lango-sioni ali na bè ti lo na ayè ti commandé lo.

Jo so ayèké kpo bè ti lo na zèmé afa na ani tènè ti ajo ti hé na ajo so akè Tènè ti Nzapa; sio tènè ti ala akpo bè ti lo tonga na zèmé. Sio tènè na héngo ti afo lo ayè ti sourou bè ti lo na aho ndo ti lo; tètì fadé so ndoyè ti Nzapa aga dé na bè ti lo, na lo kpè mbito ti ajo aho mbito ti Nzapa. Mbito ti yanga ti ajo assala lo, si lo ga mgba ti jo, na lo yè ti djia lègué ti Nzapa.

Tonga na mbèni yé akanga lègué ti lo ouala yé ti pono assala lo, ngonjo na so'ngo bè aloudou na ayè ti commandé bè ti lo. Tonga so zonga na sio tènè assi guigui na yanga ti lo, tâ' yanga so lo sèpala na sambela Nzapa na ni kodjoni. Tonga na djabalo aouara gui kètè dou ouala yanga ni ti li da, fadé fadé ngbo' ti salango manda ali na ya ni na lo lèké lègué si sioyé ndè ndè ali.

A yèké ngangou pèpè ti djia lègué na ndoyè ti nguinza si a li na bè ti ani. A yèké tètì tènè so si Jésus atènè, "I bata, i sambela; si i ti" na handa pèpè; tètì yingo ayè biani, mais

mi-télé ayèké na ngangou pèpé.” (Matthieu 26:41). “Tèti tènè so, jo so atènè na bè ti lo, lo yèké louti, a lingbi lo bata tèle ti lo ndjoni si lo ti’ pèpé”. (1 aCorinthien 10:12). “I you yé ti bira ti Nzapa kouè, si i lingbi louti ti kè mayélé ti djabalo. Tèti ani tiri na mi-télé na mènè pèpé, mais ani tiri na akodjoguèlé-ti-commandé, na ayanga-ti-commandé, na ala so acommandé bingò ti sessé so, na ayingo sioni ti yayou. Tèti tènè so, i kamata yé ti bira ti Nzapa kouè, si i lingbi louti ti gbo ngangou na la’ ti sioni, na tonga na i sala yé kouè aouè, i louti. Tonga so i louti, i kanga tènè-biani tonga na ceinture na mbounda ti i, i you Tènè-ndjoni ti siriri tonga na poro na guèlé ti i; na a ho yé so kouè, i kamata vala ti mabè, na lègué ti vala so fadé i lingbi mingo kondoro ti oua kouè ti ouato-sioni. Na i kamata casque ti salut, na épée ti Yingo, so ayèké Tènè ti Nzapa. Na sambela kouè na houndango mingui, i sambela na ngoy kouè na ya Yingo, i bata lègué ni na bè so adjia la’ oko pèpé, i hounda mingui tèti ajo ti bè-voulou kouè.” (aEphésien 6:11-18).

IMAGE MBASSAMBALA NI

So afa na ani tènè ti bè ti jo so ama Tènè ti Nzapa na mè ti lo, mais lo dè lo ma na bè ti lo biani pèpé. Image so afa na ani nga tènè ti jo so adè ama na bè pèpé, kamème a fa Tènè-ndjoni na lo, lo yé da pèpé, mais lo sala si bè ti lo akpingba na lo ngba na siokpari ti lo.

Jésus mvèni afa na ani tènè ti ajo tonga so. Lo tènè, “Tonga na yingo sioni assi guigui na ya ti jo, lo tambela na ndo so ngou ayèké da pèpé ti gui ndo ti ouo tèle ti lo, na lo ouara ndo ni pèpé. Tonga so lo tènè, Fadé mbi kiri na da’ ti mbi so mbi djia guiriri. Tonga na lo si na da’ ni, lo ba a balé ya ni aouè, na a lèké ya ni aouè. Tonga so lo gouè lo kamata ambèni yingo sioni mbassambala so ayèké sioni aho lo, na ala li na ya da’ ni, na ala douti da. Na nda ti jo so ayèké sioni aho ti kodjoni.” (Luc 11:24-26). “Yé aga na ala alingbi na proverbe so ayèké tâ’ tènè, Mbo akiri na tèle ti kobé so lo dè aouè, na mama ti cochon so a soukoula lo aouè akiri alango na ya potopoto.” (II Pierre 2:22).

Tènè ti verset so ti Mbèti ti Nzapa afa na ani tènè ti bè ti jo so ama na mè, mais siokpari na handa ndè ndè acommandé bè ti jo so. Mème lè ti lo afa na ani lo yèké na tâ’ nguia na bè ti lo pèpé. Lumière na bingò alingbi sala bèoko

pèpé. Bè ti jo alingbi ga temple ti Nzapa na gamba ti Satan lèguéoko pèpé. Ange so ayèké Tèné ti Nzapa ayèké gui lègué ti sala si jo so akè siokpari ti lo na lo ga na Nzapa.



7. BÈ TI JO SO AMA TÈNÈ TI NZAPA NA MÈ SÈNGUÉ

Na ya image so jo so akè ti ma, na lo yè ti kè siokpari ti lo pèpé ouala ti changé bè ti lo; tonga so mbèni lègué ti lo ti ga na Nzapa ayèké pèpé, si A soukoula siokpari ti lo; si lo ouara pardon. “Yingo-ti-hinga ti lo akpingba lèguéoko


tonga na yé so azo na ouin so amou oua mingui” (1 Timothée 4:2), na a kouï aouè. Lo yèké na mè ti ma, mais lo ma pèpé tonga na Nzapa aïri lo. Lo yèké na lé ti ba, mais lo ba ndoti-oua pèpé, ndo so fadé lo yèké ti’ na ya ni. Kamela ouala voundou assala lo pèpé tonga na lo sala siokpari na gbèlé ajo. Djabalo acommandé bè ti lo, na lo douti tonga na gbia na ndo trône ti lo. Peut-être lo sala yé ti babâ na pèndéré tètì lé ti ajo, mais lo yèké “. . . tonga na sèndé ti koua so avoulou, so tèle ni ayèké pèndéré mingui, mais ya ni assì na bio ti akoua’ na sioyé kouè.” (Matthieu 23:27). Baba ti ouataka akanga lègué ti Yingo ti Téné-biani. Siokpari na agnama so kouè ayèké na ayingo sioni ti ala so assala si ala commandé bè ti jo so. Même tonga na lo yè ti dji tèle ti lo na ti ti ala, lègué ayèké pèpé, tètì lo ga mgba ti ala aouè. Lo commencé ti hinga nda ti téné ti mbèni verset so afa na ani téné ti mbanga so aga na ndo aouassiokpari. “Jo so akè Ndia ti Moïse akouï na lègué ti téné ti atémoin ossé ouala ota, na a sala bè-ndjoni na lo pèpé. Bè ti i atèné pèpé? fadé a fa’ mbanga sioni aho na li ti jo so adoro Melègué Ti Nzapa na gbè ti guèlé ti lo, na lo ba méné ti mbèlé so abata lo ndè tètì Nzapa tonga na sioyé, na lo zonga Yingo ti grâce. Tètì ani hinga Lo so atèné, Koula ayèké ti Mbi, fadé Mbi fouta koula ni. Na mbèni, Fadé Seigneur afa’ mbanga na ajo ti Lo. A yèké yé ti mbito mingui ti ti’ na ti ti Nzapa ti fini.” (aHébreu 10:28-31). Diko nga: II Pierre 2:1-14.

Tonga na mo yèké diko mbèti so na mo hinga bè ti mo ayèké sioni tonga so, a lingbi mo toto na Nzapa, mo voro Lo na bè ti mo kouè. Lo lingbi sau mo na pardonné mo, na lounguela siokpari ti mo kouè tonga na mo kè siokpari ti mo na mo ga na Lo na tâ’ voundou ti bè. Tonga na mo yè Lo ti sala na mo, fadé Lo touma djabalo na sioyé kouè so ayèké na ya bè ti mo. Mo ga na Jésus lèguéoko tonga na jo ti nguiba so aga na Jésus, lo téné, “Tonga na Mo yè, Mo lingbi sala si tèle ti mbi aga ndjoni. Lo téné na lo, Mbi yè da; tèle ti mo aga ndjoni.” (Marc 1:40-41). Mais tonga na mo kè bè-ndjoni ti Nzapa na mo sala si bè ti mo akpingba, na mo ngba ti ndoyè bingo aho lumière, fadé a ouara lègué pèpé ti sau mo, tètì mo yè kouï aho fini, na bingo aho lumière.

IMAGE MIOMBÉ NI

Na ndo so ani ba ouassiokpari so aga ndoulou ti kouï; tèle ti lo asso’ lo mingui na mbito ti kouï assì bè ti lo. Kouï aga ti iri lo na l’heure ni so lo hinga pèpé, na lo yè ti ba lo

pèpé, mais koui ayèké ba lo na sio lé ti lo so amou mbito mi-
ngui na lo. Nguia ti siokpari aho aouè, na fadé so a yèké
mbanga ti lo ti fouta nguélé ngangou tètì siokpari ti lo kouè.



8. OUASSIOKPARI SO AGA NDOULOU TI KOUÏ

Pono ti ndo-ti-oua acommencé ti gbo âme na yingo ti lo.
Même tonga na lo yè ti sambela, lo ouara lègué pèpé ti sala

téné na Nzapa. Ouango téné sèngué ti andèko ti lo ti sessé so assala mbèni yé na lo pèpé, na mossoro ti lo so lo ouara na lègué ti ndoyè nguinza, a lingbi sau lo pèpé ouala lounguela pono ti lo pèpé, na a bata fini ti lo tètè mbèni l'heure nga pèpé. Lo tara ti bi bè ti lo na Nzapa, mais djabalo agbandji lo. Yé kouè so lo ndoyè, na yé kouè so lo pensé fadé a bata fini ti lo na sessé so, a yè ti hé lo, na aberger ti handa so ayèké na sessé so alingbi sala na lo pèpé. Lo commencé ti hinga a yèké yé ti mbito mingui ti ti' na ti ti Nzapa ti fini. Lo yè ti lèké téné ti lo na Nzapa na ndo tangué ti kouï, mais lègué ayèké pèpé. Ajo koutou mingui akouï fadé fadé tonga so na ala ouara lègué pèpé ti gui Nzapa na ndo tangué ti kouï ti ala. A yèké tètè so si A téné na ani, "I gui L'Eternel tonga na i lingbi ouara Lo; i di iri ti Lo tonga na Lo yèké ndoulou." (Esaïe 55:6).


Ouassiokpari so akè grâce na ndoyè ti Nzapa na la' ti fini ti lo. Fadé so na l'heure ti kouï ti lo mbèni ndjo Téné ti Nzapa alingbi si na bè ti lo pèpé, mais fadé lo ma yanga ti Juge, Lo téné, "I djia Mbi, i so zonga ayèké na li ti i, i gouè na oua ti la' kouè la' kouè, so A lèké aouè tètè djabalo na a-ange ti lo." (Matthieu 25:41). "Na tètè a diko na jo ti kouï lègué oko, na pèko ni mbanga aga." (aHébreu 9:27).

IMAGE NGOUMBAYA NI

Na ndo so ani ba image ti tâ' ouamabè so agbo ngangou na aho na ngangou na ya yé ti tara kouè na handa kouè ti mi-télé na ti djabalo. Yé ti handa ndè ndè angoro lo, mais lo gbo ngangou na ya yé so kouè juska na nda ni. Na ya bira so lo ho alombé na lègué ti Jésus-Christ. Lo yèké bangbi lègué ti salut tètè lo yè ti si na nda ti lègué ni. "Tètè téné so, tètè atémoin mingui mingui tonga so angoro ani, a lingbi ani nga, ani djia koungba kouè na siokpari so ayè ti kanga ani, a lingbi ani bangbi lègué so ayèké na gbèlé ani na bè so adjia pèpé, lé ti ani angba na Jésus, Oualombé ti mabè ti ani na Jo ti sala si mabè ni alingbi kouè, Lo so ahou pono ti kèké-ti-croix, Lo ba kamela ni tonga na yé sèngué tètè tâ' nguia so A djia na gbèlé Lo, na Lo douti na koti ti trône ti Nzapa." (aHébreu 12:1-2).

Satan na ayingo sioni ti lo kouè angoro bè ti ouamabè so; ala gui lègué ti li na ya ni, mais ala ouara lègué pèpé. Fandara, ndoyè ti nguinza, na yingo ti lango-sioni, ayèké golo yanga ni. Na place ti mbo na zé, ani ba koli ngassa na lélé, tètè siokpari ayèké na mayélé ti bian télè ti lo na ti changé

iri ti lo nga. Mais ouamabè so adouti na donji aHINGA fadé fadé tonga na siokpari ayèké; même tonga na siokpari so ayè ti li na lègué ti sambela ouala tonga na ange ti lumière. Téné ti Nzapa na Yingo ti Téné-biani so ayèké na ya lo afa na lo



9. BÈ TI OUAMABÈ SO AGBO NGANGOU NA AHO NA NGANGOU.

lègué ti mbilimbili, si lo hinga yé ti sioni na yé ti mbilimbili. Na tèle ti agnama na ayingo sioni so ayèké na ala, mo lingbi ba mbèni jo so ayèké dodo na gbèlé ouamabè ni, kopo ti samba ayèké na maboko ti lo, lo yè ti handa lo na lègué ti

dodo na samba na yé ti nguia ti sessé so. Mais yé so kouè alingbi sala yé oko pèpé na ouamabè so amou lo mvèni na Nzapa aouè, tètì lo koui aouè na lègué ti siokpari na na lègué ti sessé so. Yé so ala sala na lo assala si lo douti ndoulou aho na Nzapa.

Mbèni jo ayèké kpo lo na zèmé. Yé so ayèké tonga na sio téné, téné ti kè, téné ti hé, na téné ti mou mbito, so aoua-siokpari agui lo na ni; même ambèni jo so aténé ala yèké aouamabè akpo lo na téné ti sio yanga ti ala nga. Mais lo oua bè ti lo na téné so Jésus aténé, “Nguia ayèké na i, tonga na ajo azonga i, na ala sala ngangou na i, na ala sala téné ti véné sioni ndè ndè ndè na li ti i, mbanga ti Mbi. I sala nguia, i douti na nguia mingui, tètì fouta ti i ayèké kota na yayou. Ala sala ngangou tonga so na aprophète so ayèké kodjoni na i.” (Matthieu 5:11-12).

Siokpari, mi-télé so mbèni iri ni ayèké “mbi”, na djabalo, ala kouè atara ti kangbi ouamabè so na ndoyè ti Nzapa. Mais lo lingbi téné, na kité pèpé, “Fadé jo gnè alingbi kangbi ani na ndoyè ti Christ? pono? ouala yé ti voundou? ouala yé ti ngangou mingui? ouala boma? ouala télé sènguè? ouala yé so ayè ti fa’ jo? ouala épée? Lèguéoko tonga na Mbèti ti Nzapa aténé, A yèké tètì iri ti Mo si ala fa’ ani la’ kouè; a ba ani tonga na angassangbaga ti fa’ fa’ngo. Mais, na lègué ti Lo so andoyè ani, ani ho yé so kouè na ngangou. Tètì mbi hinga biani, fadé koui, ouala fini, ouala a-ange, ouala akodjo-guèlé-ti-commandé, ouala yé ti fadé so, ouala yé so ayèké ga, ouala ngangou, ouala yongo ni na ndouzou, ouala yongo ni na gbè ti sessé, ouala mbèni yé ndè so A créé aouè alingbi kangbi ani pèpé na ndoyè ti Nzapa, so ayèké na ya Christ Jésus Seigneur ti ani.” (aRomain 8:35-39). Tètì lo you yé ti bira ti Nzapa kouè aouè, ouamabè so alingbi louti na ngoy ti sioni, na lo lingbi ho handa ti mi-télé kouè na lègué ti Yingo Voulou. Lo hinga Christ so ayèké na fini na ya lo, ayèké na ngangou aho djabalo na assio yingo ti bira ti lo kouè, “tètì Lo so ayèké na ya i ayèké kota aho lo so ayèké na sessé so.” (I Jean 4:4). Jésus-Christ aho djabalo, siokpari, na koui, na lègué ti ngangou ti Lo. Na ya Lo, ani lingbi ho aouato ti ani kouè na ngangou, si ani ouara couronne ti gloire.

Tongoro ti yingo-ti-hinga ti bè-tâ’-jo ayèké nguèlenguèlé na aza. Mabè na Yingo Voulou assì bè ti lo. Ange ti Nzapa so ayèké na ndo lo adabè lo na jéndo ti nguèlé ngangou, so Nzapa amou na ala so aho na ngangou, na ala gbo ngangou.

juska na nda ni. “Jo so aho na ngangou, fadé Mbi mou na lo lègué ti tè lé’ ti kèké ti fini so ayèké na Paradis ti Nzapa. Jo so aho na ngangou, fadé koui ossé ni assala yé na lo pèpé. Na jo so aho na ngangou, fadé Mbi mou na lo manne so ahondé, na Mbi mou na lo voulou téné, A sala fini iri na ndo téné so, iri so mbèni jo oko aHINGA pèpé, gui lo so aouara téné ni. Jo so aho na ngangou, na lo so abata koussala ti Mbi juska na nda ni, fadé Mbi mou na lo ngangou ti commandé aGentil. Jo so aho na ngangou, fadé lo you voulou bongo tonga so, na Mbi mbo’ iri ti lo na mbèti ti fini kèté pèpé; fadé Mbi sala téné ti iri ti lo na guigui na gbèlé Baba ti Mbi, na gbèlé a-ange ti Lo. Jo so aho na ngangou, fadé Mbi sala si lo ga pilier na ya Temple ti Nzapa ti Mbi, na fadé lo si guigui ka mbèni pèpé; na fadé Mbi sala na ndo lo iri ti Nzapa ti Mbi, na fini iri ti Mbi, na iri ti kodro ti Nzapa ti Mbi, fini Jérusalem so aloundou na yayou na ndo ti Baba ti Mbi, a jou na sessé. Jo so aho na ngangou, fadé Mbi mou na lo lègué ti douti na Mbi na trône ti Mbi, lèguéoko tonga na Mbi ho na ngangou guiriri, si Mbi douti na Baba ti Mbi na trône ti Lo.” (Apocalypse 2:7,11,17,26; 3:5,12,21).

Bozo ti nguinza so yanga ni alounguela afa na ani lo mou gui bè ti lo na Nzapa pèpé, mais lo mou nguinza ti lo, na yé ti lo kouè na Nzapa nga. Lo fouti nguinza ti lo pèpé na lègué ti nguia ti mi-tèlé, mais lo sala bè-ndjoni na aoua-nzinga, na lo mou dîme na matabissi na Nzapa tètî koussala ti Lo. Na lègué kouè lo sala na nguinza ti lo si Nzapa aouara gloire.

Mapa na soussou so afa na ani ouamabè so ayèké jo so atè kobé na lègué ni na lo bata télè ti lo ndjoni. Lo gno samba ouala pèké pèpé, na lo bata télè ti lo si lo tè kassa pèpé ouala méné pèpé ti mbèni gnama so akoui na bè ti lo. Lo tè na lo gno manga pèpé tètî lo hinga télè ti lo ayèké temple ti Nzapa; tonga so lo bata télè ti lo tètî Nzapa. Bè ti lo aga da’ ti sambela, mais lo gouè na da’ ti Nzapa la’ kouè nga, même tonga na ndo ayèké ndjoni pèpé. Lo yè ti sambela na ndo kouè tonga na a yèké na da’ ti Nzapa ouala na da’ ti lo mvèni. La’ na la’ lo bongbi ajo ti da’ ti lo tètî sambela; tètî lo hinga tonga na sambela ayèké pèpé, ouamabè alingbi douti tètî ni pèpé.

Mbèti so alounguela afa na ani Yingo ti Téné-biani alounguela nda ti Téné ti Nzapa na lo aoué, na lo yèké na nzala ti diko na ti manda la’ kouè. A yèké lampe tètî guèlé ti lo,

épée ti ho djabalo na ni, mapa ti Yingo tètî âme ti lo, na Ayèké ngou tètî nzala ti lo. Lo soukoula tèlé ti lo na lègué ti Tèné ti Nzapa, na Ayèké tonga na tatala si lo ba lo mvèni na ya ni.

Lo yè ti yo kèké-ti-croix, tètî a dabè lo, lo mvèni akoui aouè na ya Christ, na lo loundou lèguéoko na Lo na fini, si lo gui yé so ayèké na yayou, yé so lé aba pèpé, yé so angba la' kouè la' kouè. Lo yèké tonga na kèké so mbèni jo alou na tèlé ti ngou so assoua, so alé' na ngoy ti lo, ouala tonga na ti ti vigne so alé' mingui. Tâ' ndoyè ti Nzapa assî bè ti lo, na lo lèké bè ti lo ti té Nzapa, tonga so lo yèké na mbito ti koui pèpé. Diko: Psaume 1:1-3; Jean 15:1-14; 1 Jean 4:18-21.

IMAGE BALIOKO NI

Jésus aténé, “Mbi yèké Loundoungo ti aouakinda, na Mbi yèké Fini. Jo so ama na bè na Mbi, même tonga na lo koui, fadé lo yèké na fini. Jo so ayèké na fini na lo ma na bè na Mbi, fadé lo koui la' oko pèpé. Mo ma téné so?” (Jean 11:25-26). “Biani, biani, Mbi téné na i, jo so ama téné ti Mbi na ama na bè na Lo so ato Mbi, jo so ayèké na fini ti la' kouè la' kouè, na lo si na mbanga pèpé, mais lo ho koui aouè, lo si na fini.” (Jean 5:24). Koui amou mbito ouala a sala sana na ouamabè pèpé. “Mais tonga na tèlé ti fouti so ayou tèlé so alingbi fouti pèpé, na tèlé ti koui so ayou tèlé ti la' kouè la' kouè, tonga so fadé téné so Mbètî ti Nzapa aténé aga tâ' téné, Ngangou amèné koui aouè. O koui, ngangou ti mo ayèké na ndo oua? O koui, yé ti bira ti mo ayèké na ndo oua? Yé ti bira ti koui ayèké siokpari, na ngangou ti siokpari ayèké Ndia; mais merci na Nzapa, Lo so assala si ani ho koui na ngangou na ya Seigneur ti ani Jésus-Christ!” (1 aCorinthien 15:54-57).

Jo so adouti na fini tètî Nzapa ayèké na mbito ti koui pèpé. Tonga na la' ti lo ti djia sessé so assi aouè, fadé lo gouè na nguia ti douti na ndo ti ndjoni so Jésus alèké tètî lo. Paul aténé, “. . . mbi yè mingui ti gouè ti douti na Christ, tètî so ayèké ndjoni mingui aho.” (aPhilippien 1:23). Ouamabè ayèké na nzala mingui ti ba lè ti Jésus, Lo so akoui tètî lo na kèké-ti-croix, na Lo ton' lo na mènè ti Lo mvèni. Yingo Voulou ayèké dabè lo na téné ti Jésus, so Lo téné, “I djia bè ti i agui i pèpé; i ma na bè na Nzapa, i ma na bè na Mbi nga. Na ya da' ti Baba ti Mbi da' mingui ayèké; tonga na a yèké tonga so pèpé, ka Mbi téné na i guiriri; tètî Mbi gouè ti lèké

ndo na i. Na tonga na Mbi gouè na Mbi lèké ndo na i, fadé Mbi kiri na fadé Mbi kamata i ti douti na tèle ti mbi, si na ndo so Mbi yèké da, i lingbi douti ka nga. Ndo so 'Mbi yèké gouè da, i hinga lègué ni." (Jean 14:1-4). "Mais lèguéoko



10. GOUÈNGO TI OUAMABÈ NA KODRO TI NZAPA.

tonga na Mbèti ti Nzapa aténé, Yé so lé ti jo aba pèpé, na mè ti jo ama pèpé, na a si na bè ti jo pèpé, Nzapa alèké yé so tètì ala so andoyè Lo." (1 aCorinthien 2:9). Mbèni téné ayèké

pèpé na yanga ti ajo ti sessé so, so alingbi fa na ani téné ti yé so Nzapa alèké na yayou tètì aouamabè ti Lo so aho sessé so na ngangou.

Na ya ti image balioko ni so ani ba koui ti tâ' ouamabè na ya Jésus. Na place ti sio bio ti koui so amou mbito mingui, ani ba ange ti Nzapa. Lo yèké kou ti kamata yingo ti ouamabè so A ton' aouè, ti gouè na lo na gbèlé Nzapa. Ame na yingo ti lo so A sau aouè adjia tèle ti koui, na a gouè ti douti na libè ti Jésus, Lo so akoui aouè ti sau lo na ya koui ti la' kouè la' kouè. Nguia mingui ayèké tonga na lo ma Seigneur ti lo aténé na lo, "Mo sala ndjoni, mo yèké bè-tâ'-boy ti ndjoni . . . mo ga mo douti na nguia . . ." (Matthieu 25:21). Satan ayèké na ngangou ti sala yé na lo mbèni pèpé; tètì "koui ti ajo ti ndjobè ayèké yé ti nguélé ngangou na lé ti L'Eternel." (Psaume 116:15). "Nguia ayèké na ala so akoui na ya Seigneur fadé so; Yingo aténé, Nguia ayèké na ala biani, tètì ala lingbi djia koussala ti ala ti ouo tèle ti ala; tètì koussala ti ala agouè na pèko ti ala." (Apocalypse 14:13).

Mo so mo yèké diko mbèti so, a lingbi mo mou bè ti mo na Jésus, tètì Lo téné, "Melènguè ti mbi, mo djia bè ti mo na mbi, na djia lé ti mo aouara nguia na lègué ti mbi." (aProverbe 23:26). Fadé Lo mou na mo fini bè ti ndjoni na Lo djia Yingo ti mbilimbili na ya mo. Djia bè ti mo so ti handa afa lègué kirikiri na mo pèpé, si mo yè da na nzala ti mi-télé; tètì jo so atambela na pèko ti yé so bè ti lo ayè ayèké ouabouba. "Jo so adjia bè ti lo na ndara ti lo mvèni, lo yèké ouabouba, mais jo so atambela na lègué ti ndara, fadé a dji lo." (aProverbe 28:26). Djia siokpari ti mo, na kanga bè ti mo na yé ti mbilimbili, "Tètì fouta ti siokpari ayèké koui; mais matabissi ti Nzapa ayèké fini ti la' kouè la' kouè na ya Christ Jésus Seigneur ti ani." (aRomain 6:23).

Mo so mo mou bè ti mo na Nzapa aouè, gbo ngangou, mo sala na lègué ti tâ'-pandé ti ndjo téné so mo ma . . . , na lègué ti mabè na ndoyè so ayèké na ya Christ Jésus, tètì mo hinga Lo so mo ma na bè na Lo, na mo hinga biani Lo lingbi bata yé so mo djia na ti ti Lo ti bata, juska la' ni ka. (II Timothée 1:12-13). Mo sala si mabè ti mo ti ndjoni-kouè akpingba, sambela na ya Yingo Voulou, douti na ya ndoyè ti Nzapa, lé ti mo angba na Jésus, Oualombé ti mabè ti mo, Gbia ti agbia, Lo so ayèké ga fadé.

“Lo so alingbi bata i si i pika guèlé ti i pèpé, Lo so alingbi dja i na gbèlé gloire ti Lo na sioyé oko na tèle ti i pèpé, na tâ’ nguia mingui, Lo so ayèké Nzapa oko, Sauveur ti ani, a mou na Lo gloire. na kota ndo, na ngangou, na ngangou ti commandé, na lègué ti Jésus-Christ Seigneur ti ani, guiriri kodjoni ngoy kouè, na fadé so, na la’ kouè la’ kouè. Amen.”(Jude 24,25).

Fadé so ani hinga pèpé
Tènè ti ndoyè kouè ti Jésus;
Mais la’ kouè na lègué ti mabè,
Ani yèké tambela na Lo.

Baba Nzapa ‘yèké na ndo ka,
Na a-ange mingui mingui ti Lo;
Na aïta kouè so ‘ma na bè,
Ani douti ka na ndo oko.

Choeur:

Mbèni la’ ndjoni kouè
Jésus ‘ga tète ajo ti Lo;
Na nguia, tâ’ nguia,
Ani gouè na Lo na ndo ti Lo.”

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature évangélique, des livres et des traités en plus de 538 langues, écrivez à:

Para obter gratuitamente a literatura evangélica, livros e folhetos em mais de 538 línguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de littérature évangélique financée de dons
Missão de literatura Evangélica financiada por donativos

(Reg. No. 1961/001798/08)